



L613 /  
FACULTATIS MEDICAE  
IN ACADEMIA VITEBERGENSI

H. T.

DECANVS

IOHANNES GOTTFRIED  
LEONHARDI

PHILOSOPHIAE ET MEDICINAE DOCTOR PATHOLOGIAE ET CHE-  
RVRGIAE PROFESSOR PVBLICVS ORDINARIVS, SOCIETATIS OECO-  
NOMICAE LIPSIENSIS SODALIS

PANEGYRIN MEDICAM

AD. XXII. MENS. SEPTEMBRIS A. CIDCCCCLXXXIII

HABENDAM

INDICIT

A DIVINCTA

DE ACIDORVM MINERALIVM ET VEGETABILIVM INSIGNI  
RATIONE VIRIVM MEDICATARVM DISCRIMINE  
*PROLYSIONE PRIMA.*



FACULTATIS MEDICAE

IN ACADEMIA ALBERTINA

M. D.

DE CA. V.

IOHANNES GOTTFRIED

LEONHARDI

PHILOSOPHIAE ET MEDICINAE DOCTOR PRAECEPTOR  
PRAESIDIUM UNIVERSITATIS ALBERTINAE  
SOMMERINGENSIS SOCIETATIS

TANTOPYRII MEDICAM

AD USUM HUIUS SEPTENTRIONIS A. M. DCCCXXXIII

HABERUDAM

INDICIT

ALBERTINA

DE ACIDORVM NITRARIUM ET VEGETABILIVM INSIGNI

RATIONE VIRVM MINERALIARVM DISCRIMINE

PROBATA PRIMA





**Q**uam cupidi sederint iudices plerique virium medicamentosarum, corporibus naturalibus et, quae ex ipsis praeparantur, remediis pharmaceuticis insitarum aestimatores et materiae sic dictae medicae scriptores systematici non minus, quam artis salutaris exercitio occupati viri ceteroquin doctissimi, innumeris omnino facile comprobatum dari potest documentis. Vt enim nihil referam de iis, qui de efficacia medicamentorum, quae vel nunquam, vel alieno loco adhibuerant, detraxerunt; aut inertibus omnique salutari virtute destitutis remediis, vires eximias aduersus morbos, quos sola tamen natura medica-trix, apto insuper regimine adiuta, superauerat, tribuerunt, aut circumspecto demum vsu saluberrima recuperandae salutis adminicula ceu perniciosâ horruerunt et proscripserunt, aut denique viribus plane iisdem pollentia diuersissimae facultatis esse arbitrati sunt, vtque de iis modo dicam, qui artificiosae, quam excogitauerant, medicamentorum coordinationi tantum dederunt, vt diuersissimae naturae remedia, propter paucarum qualitatum similitudinem vel penitus conuenire, vel ad definitum quoddam valetudinis genus emendandum, cui emendando alterum vere par est, valere quoque alterum existimarent, siquidem cupidi talis iudicii exempla congerere plura animus esset, voluminosi omnino libri



conscribendi argumentum sese offerret mihi vberimum; in quo quidem digne satis pertractando exiguae modo molis libellum nunc apparans quum versari recte nequeam, vnum illud, quod circa acidorum mineralis et vegetabilis prosapiae vires medicatrices definiendas erratum a quibusdam peccatumque est, notabo.

Scilicet, quum animaduernerent, acida vitrioli, nitri et salis culinaris, quae ex mineralibus sola in vsum medicum recepta sunt, cum acido acetici, tartari, citri aliisque vegetabilibus saporis acore, efferuescentia cum salibus et terris alcalinis, quibus adhucdum inest acidum aereum, facultate porro rubefaciendi crotonis tinctorii, violarum, omninoque, praeter indigoferae et isatidis tinctoriae puriores feculas, omnes vegetabilis originis colores caeruleos, virtute denique coeundi cum alcalinis in salia neutra conuenire; quum praeterea ab acutissimi ingenii chemicis quibusdam persuaderi sibi paterentur, siue acidos spiritus succosque ad vnum omnes acori cuidam vniuersali, eidemque vitriolico originem debere, siue commutationem acidorum mineralium in vegetabilia haud dubie obtineri posse istorum quidem cum oleosis vegetabilibus destillatione et contemperatione artificiosa; quum porro relatam legerent, succos ex quercu et nuce iuglande expressos luculenta acidi vitriolici vestigia ostendere; \*) sacchari puluerem ab instillato oleo vitrioli nebulam multam albicantem, spiritus salis odorem, vt putabatur, redolentem exhalare; \*\*) tartari spiritum acidum, ope acidi vitriolici ex tartaro tartarifato, tartaroque chalybeato expulsum cum salibus alcalinis fixis salia media, vesco et digestiuo proxima et cum dupla quantitate acoris nitrosi liquorem, qui aurum soluat, praebere, insuperque ex solutione hydrargyri, acido nitri parata, calcem albam, quae sese eundem in modum, vti mercurius praecipitatus albus subli-

\*) v. Rud. Aug. Vogel Instit. chem. §. 468.

\*\*) Idem ibid.





sublimatione in sal, mercurio sublimato corrosiuo geminum conuerti pateretur, praecipitare, atque adeo magnam cum acido muriatico conuenientiam praese ferre; \*) quum de reliquo saporis salinum, ex plumbo acidisque nitri et aceti enatorum, dulci eam probandi vim inesse crederent, quae utriusque acidi indolem communem confirmaret; olimque reperirentur, qui ne nostris quidem temporibus desunt, qui nitrosi et muriatici acidi generationem ex vitriolico artificialem asseuerarent constantissime; quum denique obseruarent vel illi ipsi, qui rationibus opinionem suam firmabant, vel qui mancae tantum et male collectae experientiae confidebant, utraque acida, tum mineralia, tum vegetabilia in compescendo orgasmo et calore corporis humani morbofo inque putredine abarcenda et coerenda parem fere aliquando monstrare videri efficaciam: tot rationibus commoti, non indole et natura sua, sed gradu tantum et concentratione, utraque acida differre, atque adeo fere promiscue adhiberi posse, temere nonnulli statuerunt. Itaque etiamnum haud pauci acidis utrisque sine discrimine propinatis non modo calorem morbosum cuiusuis generis temperare et putredinosam dispositionem quamuis emendare inconsulto aggrediuntur, verum adeo perperam sperant et male praecipiant biliosam acrimoniam mineralibus acoribus corrigere. In horum igitur hominum erroribus, saluti aegrotorum plus minus perniciosius redarguendis et refutandis ita quidem versabor, ut primo refellam argumenta illa qualiacunque aduersariorum, quibus imponere possent credulitati tironum persuadereque utrisque acidis naturam esse eandem; ut porro ostendam diuersissimum modum, quo acida mineralia et vegetabilia operantur simplicioribus ipsorum effectibus, quos edunt in fibras solidas, inque nervos et humores tum sani tum morbofo corporis, ut denique manifesto euincam,

a 3

cam,

\*) vid. *Monnet traité de la dissol. des métaux* p. 79. itemque *Scheelius apud Bergmannum* in adnot. ad *Schefferi Chem. Borles.* §. 29.



cam, ne in istis quidem conditionibus morboſis, ad quas tollendas ambo acidorum genera prodeſſe videntur, perinde eſſe, quale adhibeas; omnium minime vero ad acrimoniam amaram et bilioſam, cui rancida quoque et amurcoſa accenſenda eſt, corrigendam, vegetabilibus acidis mineralia ſubſtitui poſſe.

Itaque primo quod vegetabilia acida aequae ac mineralia acerbis quae reſpiciant, caeruleas vegetabilium tincturas rubefaciant cumque ſalibus lixiuoſis et terris abſorbentibus, aere fixo turgidis, inter efferueſcendum in ſalia neutra abeant, id generis quidem prodendi, non item efficaciae in corpus humanum ſimillimae docendae vim habet; vtpote cuius diuerſiſſimae adeo teſtimonium, quum vitriolici acoris ſtyptica virtus nitroſoque et muriatico adiuncta acrimonia a blandiori vegetabilium acidorum aciditate quam longiſſime recedat, vel ſolius ſaporis, linguae impreſſi differentia exhibeat locupletiffimum.

Deinde, quod omnia acida a communi quodam acore vniuerſali ceu ipſorum parente genita ſint, id vero ſumtum quidem eſt ingeniouſe admodum et acute, non aequae vero firmiter et irrefragabiliter probatum. Quid? quod ſi vel maxime poneretur vera haec communis ipſorum origo, nihilo tamen minus, quum certiffima ſit et indubitata tum inter acida mineralia mutua, tum inter ea et vegetabilia, diuerſitas deinceps pluribus explicanda, quae a particulis haud dubie non proportione forte ſola, ſed indole quoque diſcrepantibus, eidemque acori vniuerſali ſuppoſitio adiunctis neceſſario proficiſci deberet, vt aut vbique, aut in definito quodam valetudinis genere viribus medicatricibus pollerent, gradu licet diuerſis, re ipſa tamen ſimilibus, nondum propterea conſequeretur. Idem acidum vitrioli ineſt alumini, vitriolis, ſpatho ponderoſo, gypſo, ſali mirabili, tartaro vitriolato, ſulphuri, aquae RABELII, liquori anodyno minerali HOFFMANNI, ſaponibus acidis ACHARDI, ſed quanta quaeſo omnium horum eſt, tum

in



in habitu externo tum in indole sua atque operandi modo et efficacia, diuerſitas!

Quod porro artificialem acidi mineralis, inprimis vitriolici conuerſionem ſiue in nitroſum aut muriaticum, ſiue in vegetabilia adeo acida attinet, id non modo grauiffimis obnoxium eſt dubitationibus, ſed etiam ad virtutum medicatarum conuenientiam euincendam uſumque vitriolici et vegetabilis acoris promiſcuum vel excuſandum vel defendendum ne hilum quidem facit. BECHERVS, STAHLIVS, IVNCKERVS, aliique ipſorum aſſeclae, qui in acido vitriolico, quod ex aqua et terra vitreſcibili minerali conſlatum omniumque ſimpliciſſimum, puriſſimum et mutationis expertiſſimum eſſe arbitrabantur, inueniſſe ſeſe primigenium ſperabant, ex eodem acido per phlogiſton ſubtiliter attenuato nitroſum et ex terrae mercurialis cum vitriolico copulatione muriaticum produci multis olim perſuaſerunt, quibus nunc perſuadeant amplius, praeterquam vehementer credulis, habebunt forte neminem. Quem enim quaefo mouebit amplius, vt ipſis aſſentiatur, leuiſſima illa ſimilitudo, quae acidum ſulphuris, ceu vitriolicum phlogiſto vere contemperatum, acidumque nitroſum intercedit in eo, quod vtrumque volatile et odoriferum eſt, quod neutrum cum ſale alcalino vegetabili in adeo firmum acidique ſui tenax ſal medium, quale tartarus vitriolatus eſt, concreſcit, quodque ex vtriuſque huius acidi connubio cum iſto alcalino ſale cryſtalli ſalinae et aliter formatae et multo ſolubiliores prodeunt, quum vtraque iſta acida et volatilitatis gradu, et odoris ſpecie et ſalis medi, quod cum lixiuiſo ſale generant, natura proſus ſint diuerſiſſima. Cautius videri poterat in acidi nitroſi proſapia vitriolica euincenda progreſſus eſſe Illuſtriſſimus Comes DE SALVCES, \*) vtpote qui non modo per analyſin ex illo acido praeter alcali vriuoſum, terramque tum calcaream tum ſilicinam liquorem acidulum eundemque em-  
pyreu-

\*) vid. Cel. *Crellii* Neueſte Entd. in der Chem. Th. VIII. S. 7. ff.



pyreumaticum sese separasse perhibet, verum etiam per synthesia ex miscela solutionis vitrioli martis aquosae hepatisue sulphuris calcarei, aceto, frigore concentrato, factae, et salis vrinosi, ex sale ammoniaco vel olei tartari per deliquium vel lixiuii saponariorum vel liquoris filicum ope parati, excussa quidem terra martiali ex illa vitrioli; et secula quadam nigra ex ista hepatis calcarei solutione; obtinuisse sese scribit liquorem, qui post diurnam digestionem et subsequenter filtrationem cum sale lixiuioso fixo copulatus euaporando nitrum informe, destillandoque nitri acidum ipsi praebuerit. At enim vero, quo minus in suam sententiam deflectat animos lectorum, quantum ego quidem video, impediunt primo studiosum ipsius minusque oportunitate silentium, quo verum experientorum modum iustasque eorum, quae commiscuit proportionibus abscondit, quas tamen, ut ab aliis eodem cum successu repeti ipsius tentamina possint, accurate noscendas et sedulo obseruandas esse, ipse fatetur; deinde perplexum dicendi genus, quo utitur in iis exponendis, quae tamen non videtur celari velle et praetermissio omnium argumentorum, quibus, quod nitrum eiusque acidum esse existimauit, vere tale quid extitisse probare debuisset; fieri enim potest, quum methodo eadem, sed proportione tantum diuersa obseruata, etiam muriaticum ex vitriolico progenitum, aut, quod ipse conicere audeat, ex sale alcalino volatili euolutum impetrasse sese narret, ut idem quod accidit aliis passus, fallente crystallorum similitudine sal digestium pro nitro, salisque forte acidum, quod dicunt dephlogisticatum, fallente vapore rutilo, pro nitroso haberet; quamuis ex laboribus ipsius salia prorsus alia, inque tam diuturna digestionem ad aerem alcalina salia aeris fixi vnione forte crystallifata et forma sua vtcunque nitro prismatico similia potius expectares; denique id impedit haud contemnenda suspicio omisi examinis seuerioris eorum salium, in quae et per quae Comes operabatur. Sicuti vero vitriolica origo acidi nitri et salis nondum probata habetur,

ita

ita multo incertior est vegetabilium acorum ex mineralibus generatio. Quod enim in tamarisco et fuco vesiculoso v. c. sal mirabile, in heliantho, borragine aliisque bene multis plantis, quibus etiam, vt nuperis experimentis intellexi, chelidonium maius accensendum est, nitrum; in falsola, salicornia, galeopside aliisque sal culinare, atque adeo mineralia acida, sale lixiuioso ligata, continentur, per foli, in quo vegetant, conditionem perque meram admixtionem euenire in propatulo est; similique omnino modo vitriolicum acidum in iuglandem et quercum, salisque illud in tartarum, qui vitis viniferae sal essentielle est, demigrasse videntur, reliquum vero, quod istiusmodi vegetabilibus inest acidum, quodque acoris vegetabilis manifesta pollet indole, per conuersionem quandam mineralium horum acidorum natum esse, nemo ad haec vsque tempora idoneis comprobatum dedit argumentis. Differunt vegetabilium acores a mineralibus maxime in eo, quod intime ipsis iniunctum atque innatum sit principium oleosum, cuius tenacissimi sunt. Ob hoc oleosum principium solent vel studiosissime depurati cum salibus fixis alalinis in eiusmodi salia media abire, quae non modo inter vrendum acidum suum et ne sine destructione quidem ipsius facile exhalant, sed etiam multum acidum aereum spirant, et massam relinquunt alcaliscentem illam quidem, sed manifesto quoque simul carbonaceam. Quale quid salia media, quae acidum quoddam minerale continent neque patiuntur, neque offerunt. Itaque patroni huius metamorphoseos acidorum oleosum principium cum acido minerali vnire aggressi sunt, ita vt vel valde dilutum illud cum oleo quodam vel cum vini spiritu remixtum destillarent. Verum enim vero priori modo acidum non vegetabile, sed sulphureum; \*) posteriori acidum quidem, vel idem illud, vel eo iam separato adeo lenè obtinuerunt, vt satis prope videretur ad vegetabile accedere, reipsa tamen plurimum

ab

\*) vid. *Macqueri Chem. Wörterb. Th. III. S. 672.*



ab eodem distaret. Sic acidulus ille liquor, quem Cl. BEAUME in destillatione ineunte laticis ab aethere vitriolico remanentis acquisiuit, sapore quidem suo, immo forma adeo salis medii, quod cum sale tartari dedit, persimilis visus est aceto, affusus vero solutioni argenti verum argentum vitriolatum excussit. \*) Sic acidulus porro liquor, quem Cl. NAVIER \*\*) ex miscela acidi nitrosi tenuioris cum duplo spiritus vini rectificatissimi per quadri-duum digesta et deinceps in arenae balneo abstracta parauit, vegetabilis acidi saporem aemulatus est, fuisse tamen praeter spiritum nitri male dulcificatum, nihil aliud, quis quaeso non videt? Vti vero in hoc experimento saporis qualiscunque similitudo nitrosi et acetosi acoris conuenientiam non euincit, ita in summa illa qualitatum sacchari saturni plumbique nitrati discrepantia soli saporis fidere aque gustus iudicio pendere itidem haud licet. Omnium denique minime credendum est odori acidum muriaticum referenti, quem spirasse dicitur nebula alba ex saccharo per affusum vitrioli acorem prolecta. Fuit enim illa nebula nihil aliud, quam Clarissimi DE HERBERT aer sic dictus *acidus sacchari*, quem alio tempore aut concretionem plurium vaporum aut vero acidum vitrioli phlogisticatum siue Gas acidum sulphureum volatile esse iudicauit. \*\*\*) Odor autem ille haud dubie fuit aduentitus, natus ex eo, quod saccharum ad experimentum receptum accubuerat croco, cuius effluuiorum odoriferorum contagio, ut saepe apud institores talium mercium accidere solet, imbutum fuit, ita, ut croceum odorem, qualis etiam muriatici acidi est, communicaret quoque acidi vitriolici volatiliter exsurgentibus vaporibus. Sed si vel maxime admitteretur, arti licere, ut conuertat acores fossiles in vegetabiles, aut vero utrorumque horum acorum esse qua-

\*) vid. Mem. de l'Acad. etc. Scav. etrang. To. III, p. 223.

\*\*) Contrepoisons To. II. p. 301.

\*\*\*) vid. quae haec de differni ad MACQUERI chem. Woerterb. Th. III. S. 596. f.

qualitatum quarundam similitudinem: sine discrimine tamen ut iam dixi propterea nondum possent propinari aegrotis, quoniam quod artis chemicae operosis laboribus demum vix ac ne vix quidem obtineri potest, id in corpore humano aegroto subita ratione obtineri posse veri est prorsus abfimile; et quoniam oleosum principium intimius vegetabilibus acidis iunctum eorundem operandi modum longe alium reddere necessario debet, quam mineralium, quae ab olei cuiusvis accretione penitus sunt libera. Confirmat quoque hoc iudicium attenta contemplatio effectuum eorum, quos vtraque acida in partes corporis nostri solidas fluidasque edere obseruantur, et in quibus exponendis proxima differendi oportunitate pergam, quandoquidem nunc accedendum sit ad commendationem publicam

V I R I

CLARISSIMI ATQVE DOCTISSIMI

HIERONYMI IACOBI CONRADI

L V T H E R I

ECLENFOERDEA -- HOLSATI

MEDICINAE CANDIDATI DIGNISSIMI

qui tempus excolendis litteris humanioribus et addiscendae arti salutari destinatum adeo egregie collocavit, ut profectuum suorum haud vulgarium luculenta dare posset ordini nostro specimina dignusque iudicaretur, quem et laudibus condecoraremus, et summorum quoque in medicina honorum praemiis exornaremus. Ut vero lectores accurate intelligant, quo modo omnem

b 2

vita



vitae suae rationem instruxerit, quibus praeceptoribus et ducibus in adeo bonum probabilemque medicum fuerit formatus, in quam denique humanum atque gratum discipulum contulerit ipsius magistri assiduae et fidelissimae institutionis beneficia, consulto praeter ipsum non alio vtar interprete, vtpote quam haec omnia clarissime elucescant ex ea de vita et studiis suis narratione, quam suis hisce conscriptam verbis nobis exhibuit.

*Ego, HIERONYMVS IACOBVS CONRADVS LV THERVS, natus sum Eklenfoerdeae oppidi Holsatiae, die vicesimo tertio mensis Martii, anno huius seculi quinquagesimo nono. Patrem habeo IACOBVM, tunc temporis praefectum Forestarium. Mater autem ELSABE SOPHIA, e gente KRAFFTIANA, praematura morte mihi est erepta, cuius memoriam tanta pietate colo, quanta patrem, in diuina gratia in viuis mihi adhuc superstitem, ob innumera in me collata beneficia, veneror. Prima religionis litterarumque fundamenta ab ipso patre et, post beatae matris obitum, a praeceptoribus domesticis accepi; quo facto anno sexagesimo tertio Rendsburgum missus ad Auunculum meum IOANNEM GEORGIVM WEIMANNVM, montis pietatis regii inspectorem, eiusque curae singulari, comendatus sum. Non solum autem hic, sed reliqui quoque consanguinei, aliquam beneficiorum partem in me collocarunt, quam benevolentiam, quam diu vitali aura fruor, semper grata mente prosequar. Hic iterum variorum praeceptorum ipsiusque auunculi institutionibus usus sum, ad annum huius seculi sexagesimum vsque quintum, ubi Gadenbergam petii, ibique praestantissima dexterrimorum virorum instructione imbutus sum, inter quos*





quos inprimis mihi nominandus est *b. AMBDEUS*, cuius solidae eruditioni ac fidelissimae institutioni plurimum debeo, hinc etiam eiusdem in me instruendo solertiam ac industriam oblivioni nunquam dabo. Adolevens deinceps factus, varia propositi mei moram produserunt, ita, ut ea, quae antea magno cum ardore tractabam, nunc per aliquot annos fere negligere cogerer, donec obstaculis hisce sublatis, pristinus litterarum colendarum amor, in animo meo reuixit, ac singularis studii Medici discendi ab ineunte aetate inhaerens mihi cupiditas, denuo resuscitata ut me *Arti Apollinae* consecrarem, obtinuit. Quo vero idoneam litterarum et inprimis Medicarum doctrinarum mihi compararem cognitionem, anno huius seculi octogesimo primo me *Vitebergam* contuli, et a *Magnif. PAULI*, Academiae tum temporis Rectore, in album civium academicorum relatus sum. Quo facto, institutionibus *Excell. b. BODEN* privatissimis me tradidi, qui in antiquis Auctoribus legendis aliisque ingenii acuendi exercitationibus me erudit, nec non antiquitates Romanas et *Horatii* artem poeticam exposuit. *Excell. MILLERVS* Philosophiam me docuit atque *Ciceronis* officia interpretatus est. *Excell. EBERT* Mathematicam puram mihi tradidit, *Excell. TITIVS* autem Historiam Naturalem et utramque Physicam me docuit, et ab *Excell. SCROECKHIO* Historiam imperii Romano Germanici percepi. Nunquam autem obliturus ero fructus, quos ex *S. V. REINHARDI* institutionibus, cum magno studiorum meorum augmento, haurire mihi licuit. Eum enim secutus sum in Philosophia, eiusque moderamine auctorum veterum legitimam interpretandi rationem, linguae elegantiam, stilique accurate



formandi recteque disputandi praecepta, accepi. Quod autem Medicas doctrinas attinet: in Physiologia, Pathologia ac Therapia generali, secutus sum Exper. NVERNBERGERVM, qui etiam Chirurgiae et morborum venereorum, itemque mulierum, expositionem mihi tradidit. Eandem utilitatem ex lectionibus Exper. LEONHARDI Decani h. t. spectabilis, Clinicis et Chemicis, percepi, atque Examinatoria eiusdem Anatomico-physiologica frequentavi. Magnif. BOEHMERI demonstrationibus botanicis et institutionibus in rem herbariam, adsedisse, me nunquam poenitebit, cuius quoque praelectionibus in Materiam Medicam, Pharmaciā, Therapiam generalem et Praxin Clinicam scholisque disputatoriis et practicis artis formulas medicinales concinandi, exercitiis, magno cum fructu interfui. Quorum quidem summorum Virorum, omni cultu prosequendorum, benevolentiam pira mente semper venerabor. Grato quoque animo, Exper. LANGGVTHII insignem erga me benevolentiam ac humanitatem, quem patronum, fautorem ac studiorum meorum directorem habui, agnosco. Non solum enim eum in Anatome, Pathologia, Medicina forensi, Politia Medica, Arte obstetricia et Historia naturali, doctorem habui, sed vera quoque, ad Medicinam faciendam, manu ductione, in aegris visitandis tractandisque, eo duce usus sum. Nec minorem fructum ex eius exercitationibus, quas mecum instituit cadauera dissecandi, priuatis, percepi: nec reticere fas est, quanta, ex amicitissimis colloquiis mecum institutis, ex quotidiana consuetudine, atque saluberrimis consiliis: quorum semper suavis erit in animo meo recordatio, ex bibliotheca splendidissima, qua semper








*per utendi copiam nactus sum, in me redundarint commoda. Cui igitur pro tot tantisque in me meritis, per totam vitam, me fore obstrictissimum, publice gratus profiteor. His ita praestis, ut me ad consueta admitterent examina, Gratosam Medicam Facultatem humanissime adii, quo denique mihi ad Cathedram panderetur aditus, atque defenso quodam libello Academico, Honores in Arte salutari summi benignissime mihi decernerentur.*

Iam quod Candidatus Clarissimus ab Ordine nostro modeste petiit, eo lubentius Ipsi tribuimus, quo plenius in examinibus, cum Ipso coram Facultate nostra institutis honorificae, quam de Eius in vtraque medicina, tam theoretica, quam practica profectibus conceperamus, expectationi satis fecit, dedimusque Eidem veniam cathedrae medicae die XXII mensis Septembris conscendendae, dissertationisque inauguralis *de haemoptysi* ab Ipso proprio Marte multaque cum industria conscriptae publice contra dissentientes ita propugnandae, ut, quod per indulgentissimam SERENISSIMI PRINCIPIS gratiam Ipsi contigit, certamen hoc eruditum publicum sine praeside solusque subiret. Quem actum solemnem UT RECTOR ACADEMIAE MAGNIFICVS, PROCERES VTRIVSQUE REIPUBLICAE GRAVISSIMI, CIVES  
deni-



denique HVIVS LITTERARIAE VNIVERSITATIS GENEROSIS-  
 SIMI atque NOBILISSIMI praesentia sua exornare velint, Ordini-  
 nis mei atque Candidati doctissimi nomine, ea, qua par est ob-  
 seruantia rogo atque contendo. P. P. Vitebergae Domini xiv.  
 post Trinitatis A. O. R. CIO. IDCCCLXXXIII.



VITEBERGAE

LITTERIS CAROLI CHRISTIANI DÜRRIL.



Wittenberg, Diss., Erg. bd. 6, 1783/91

ULB Halle

003 922 553

3



sb.

WIP

Wittenberg 12





requiritur vir artis salutaris peritissimus,  
si ea, quae ex Doctorum ore haufit, pu-  
d non expectandum esse, nemo ignorat.  
i de nostro iuuenili labore iudicent, erga  
uos, ac, si quid in nostro libello minus  
adeo erratum ipsis videatur, esse condo-  
enignitate, freto animo, huic disputationi

613  
FACULTATIS MEDICAE  
IN ACADEMIA VITEBERGENSI

H. T.

DECANVS

IOHANNES GOTTFRIED  
LEONHARDI

PHILOSOPHIAE ET MEDICINAE DOCTOR PATHOLOGIAE ET CHIR-  
VURGIAE PROFESSOR PVBLICVS ORDINARIVS, SOCIETATIS OECO-  
NOMICAE LIPSIENSIS SODALIS

PANEGYRIN MEDICAM

AD. XXII. MENS. SEPTEMBRIS A. CIOIOCCCLXXXIII

HABENDAM

INDICIT

ADIVNGTA

DE ACIDORVM MINERALIVM ET VEGETABILIVM INSIGNI  
RATIONE VIRIVM MEDICATARVM DISCRIMINE  
PROLVSIONE PRIMA.

xrite colorchecker CLASSIC

